



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 46. Joannes Bunderius mortuus.

[urn:nbn:de:hbz:466:1-66800](https://nbn-resolving.org/urn:nbn:de:hbz:466:1-66800)

scis inferretur, mox Oeconomum interrogabat, quanti eum emisset? illo respondente, assibus ducentis: Cardinalis adducto eum increpans supercilio inquebat: itane vero? heri domi non erant oboli pauculi in pauperum usum, & erit pro gula hodie argentum? auferte hunc piscem, statimque eum ad pauperum Nosocomium deducite. Sic expiabat egregie Oeconomi duritiam pia Domini liberalitas, ac pietas.

Denique sextus, & postremus inter Cardinales hoc anno fati functos erat Reginaldus Polus natione Anglus, qui die decima octava Mensis Novembris mortalitatem exiit, de cuius vita jam abunde alibi mentionem fecimus.

§. XLVI.

Joannes Bunderius mortuus.

Ex Scriptoribus Ecclesiasticis primus venit Joannes Bunder, seu Bunderius, ex Ordine Fratrum Prædicatorum Gandavensis Cœnobii Prior, atque in Belgio hæreticæ pravitatis Inquisitor. Hic exactum Religiosæ disciplinæ studium cum profunda eruditione confoeciens plura elucubrabat opuscula, quibus ingens sibi nomen comparabat: ceteris vero ejus libris palmam præripit I. Compendium omnium quæstionum Theologicarum, quæ hodie inter Catholicos

Sæcul. XVI.
A.C. 1558.

Valer.
Andr. Bibl.
Belg.
Miræus de
Script. Sac.
XVI.

Sæcul. XVI.
A.C. 1558.
 tholicos, & Protestantes agitantur: quod opus primo circa Annum Domini millesimum quingentesimum quinquagesimum sextum literis Parisiensibus, decimo octavo autem post anno in eadem urbe iterato prælo excusum prodiit. II. Conscripsit Collationes, seu colloquia Sanctorum quatuor latinæ Ecclesiæ Doctorum, SS. Ambrosii, Hieronymi, Augustini, & Gregorii Magni super triginta articulos ab hæreticis tum agitados, isque liber itidem Lutetiæ Parisiorum Anno Christi millesimo quingentesimo septuagesimo quarto typis editus fuit. III. Bunderius fidei orthodoxæ scutum adversus Anastasium Valvanum Antwerpæ Anno salutis nostræ millesimo quingentesimo sexagesimo nono vulgavit, & in eodem, in quo fides Orthodoxa consistat, demonstravit. IV. Tractatus de Baptismo contra Memnonem Anabaptistam Lovanii Anno supra millesimum quingentesimum quinquagesimo tertio ab eo fuit editus. V. Alius tractatus sub hoc titulo: *Detectio nugarum Lutheri unacum confutatione dogmatum Lutheranorum* pariter Lovanii Anno post Christum natum millesimo quingentesimo quinquagesimo primo typis ab eodem fuit vulgatus. Referunt nonnulli, quod Joannes Anno salutis nostræ millesimo quingentesimo quinquagesimo octavo

ctavo Mense Junio Gandavii fatis excesserit, quamvis alii illius obitum ad priorem annum revocent.

Sæcul. XVI.
A.C. 1558.

§. XLVII.

Alphonsi de Castro obitus.

Alter erat Alphonfus de Castro Hispanus ex Ordine FF. Minorum patria Zamorensis ob sacrae eloquentiae præstantiam inter ævi sui Prædicatores in Hispania celeberrimus. Hic ob meritorum famam Carolo V., & Philippo II. percarus, eundem Philippum, cum Mariam Reginam ducturus in Angliam contenderet, in itinere comitabatur: inde vero postea in Belgium reversus est, ubi antea jam diu morabatur, quapropter ibidem adhuc egisse censetur, cum ad Compostellanum Archiepiscopatum, qui Toletani Cardinalis obitu vacabat, nominaretur, quamvis, priusquam electionis suæ diploma reciperet, jamjam Bruxellis die decima tertia Februarii Anno Incarnationis Dominicæ 1558. vivis ereptus fuisset, postquam sexagesimum tertium ætatis suæ annum expleverat. Ceterum opera, quæ iterato prælo excusa posteris reliquit, ipsam illius eruditionem longe ampliori elogio celebrant, quam cujuscunque lingua assequi posset: scripsit enim stylo admodum eleganti, atque in lectione assiduus

Andr. Scot.
Nicol. Ant. in
Bibl. hist.
Dupin. Bibl.
t. 16. p. 20.

Hist. Eccles. Tom. XLIII. G majore